



L'amur n'ha propri nagina fin

Da la cumedia «Amur senza fin» datti ina cuntinuaziun. Questa giada cun integrar la Cadi.

3



Animals e lur connex cun il coronavirus

Era animals en purtaders da «coronavirus» - ma encunter la variante Covid-19 èn els immuns.

8

südostschweiz

LA QUOTIDIANA

Redacziun: Via Sommerau 32, 7007 Cuira, tel. 081 255 57 10, redacziun@laquotidiana.ch

ENGIADINA

Sustgnair ils affars idigens

(fmr/afi) La mansteranza locala es indispensibla per lavurar ed abitar, per viver e per far vacanzas, uschè eir in Engiadina Basa e Val Müstair. D'incuort es gnüda realisada üna plattafurma online surregiunala i'l Grischun. Qua as pon registrar tuot las interpraisas chi dispuonan d'üna sporta chi's lascha vender illa regiun cun ün ser-

vezzan da spediziun. «Illa situaziun actuala es important da sustgnair il commerzi e la mansteranza indigena e da procurar cun quai cha la creaziun da la valur resta illa regiun», disch Martina Schlapbach, la sviluppadra regiunala da la Regiun Engiadina Basa Val Müstair.

> PAGINA 7

SURSELVA

Il duo sursilvan füss prompts

(fmr/ac) En nunenconuschientscha dil plan da cuorsa 2020 sepreparan ils dus mountainbikers sursilvans Vital Albin ed Ursin Spescha illa proxima sesiun. La motivaziun da trenar ei buna, malgrad las circumstanzias incertas. Quei han els sincerau viers la FMR. Visavi a lur concurrenza digl'exteriur san els aunc trenar ella natira, ferton che biars sportists dallas tiaras vischinontas astgan buca bandunar las atgnas

quater preits. Albin e Spescha appartegnan la davosa sesiun da cuorsa alla categoria U23. Per seposiziunar vinavon ella scena professionala dil velo da muntogna ei quei atgnamein in'impurtonta sesiun da cuorsa. Omisdus han dau d'entellir dad esser bein preparai ed ein da buna speranza da tuttina puder semesirar culla concurrenza, silmeins sin plaun naziunal.

> PAGINA 5



Vital Albin (sen.) ed Ursin Spescha (dretg) ein prompts da fitgar pei ella scena dil velo da muntogna.

FOTO PH. BAER

GRISCHUN CENTRAL

Augmaint tigl domber da participants

(fmr/gns) L'emda passada è eida a fegn la sagonda ediziun dall'acziun da Grischun Vacanzas per promover igl sport da passlung per collaboratours e collaboratouras da firmas grischunas. An cumparaziun cun l'amprema ediziun è igl domber digls participants e dallas participantas s'augmento per 460 delts sen 1300 delts. Fatg on chels an tot 409272 kilometers ain-

ten las loipas. Detg oter ò mintgign digls 1300 participants fatg set gedas igl maraton engiadines. En team dall'Argo è sto dalla parteida, pero er dalla pulizeia cantunala e da ples curremagns. Gudagnea la concurrenza ò igl team digl Activ-Sport Baselgia Lai cun far 8663 kilometers.

> PAGINA 8

Ussa decida la Dertgira federala

La surdada dil survetsch d'unviern al Pass Lucmagn ei aunc buca giud meisa

DA HANS HUONDER/FMR

■ La surdada dalla lavur da rumir la neiv igl unviern al Pass Lucmagn va ella proxima runda giudiziala. Ussa daventa ella in cass per la Dertgira federala. La Dertgia administrativa dil cantun Grischun ha refusau dacuort il recuors dalla cumionza da lavur Pro Lucmagn cun Berther Construcziun ed Industria SA da Mustér, Scaresa SA da Blenio e Bundi Transports da Curaglia pertuccont la surdada dall'incarica dil survetsch d'unviern pils proxims diesch onns.

Igl onn vargau haveva la Pro Lucmagn giu surdau quella lavur alla cumionza Edelweiss consistente dall'Impresa costruzioni Madaschi Corrado da Blinzuna e Bassi Alfredo Sagl, Risanamento Strade d'Airolo. En siu recuors haveva Berther/Scaresa/Bundi fatg valer differentas munconzas ell'offerta.

Sco quei ch'il meinafatschenta dalla Berther Construcziun ed Industria SA a Mustér, Agim Bajraktaraj ha detg sin damonda dalla FMR, sedrezza il recuors ussa



La lavur per rumir la neiv al Lumagn igl unviern vegn surdada mintgamai per diesch onns.

MAD

en special al punct che pertucca il deposit dallas maschinas dalla cumionza dil Tessin dalla vart dil nord duront igl unviern. Spiarda

la cumionza Berther/Scaresa/Bundi era avon Dertgira federala a Losanna, van otg plazz da lavur dalla cumionza da lavur – mint-

gamai quater da mintga vart dil pass – a piarder.

> PAGINA 3

Appel als cunfinaris

■ (fmr/fa) Ils commembers dal Comitè per sgürezza illas vals dal süd grischunas fan valair cha tuots hajan da respettar las reglas davart il coronavirus. Quai giavüschna eir dals cunfinaris.

Dal comitè chi s'ingascha pella sgürezza als cunfins i'l süd dal Grischun fan part grondcusgliers engiadinais, da la Val Müstair e da las vals talianas. Implü es commember eir Christian Fanzun in sia funcziun sco capo da Scuol. D'incuort ha il comitè comunichà cha'ls commembers as fetschan pissers: Cha'ls cunfinaris nu respettan tuots las directivas da Chantun e Confederaziun da viagiare il plü da tuot in duos i'l auto e na in daplüs, hana scrit. «I s'ha vis cha grazcha a quistas directivas s'esa stat bun dad evitar üna gronda derasaziun dal coronavirus», disch Fanzun, «perquai lessna chi gnia controllà als cunfins cha tuots tillas respettan.» Sco cha'l grondcusglier Rico Lamprecht agiunduscha nu's ris-cha uschea cha'l cunfin gnia serrà dal tuot: «Quai füss per nossas regiuns fatal.»

> PAGINA 7

Oxigen da Glion

La fabrica d'oxigen a Glion ei serrada dapi 15 onns

DAD ANDREAS CADONAU/FMR

■ Ils indrez tecnics dall'antieriura fabrica d'oxigen a Glion ein avon maun plitost per casualitad. Metter en funcziun igl anteriur stabiliment dall'armada füss mo pusseivel cun adattaziuns e dabia savida. Buca sulter ils apparats da respirar ein du-

mandai ella situaziun actuala, mobein era igl oxigen schuber. Sut certas circumstanzias pudess quei oxigen daventar scarts sco quei ch'il «Sonntagsblick» ha rapportau dacuort. Entochen igl onn 2005 ha l'armada svizra manteniü a Glion in agen stabiliment per producir oxigen. Igl indrez, en possess dalla vischnaunca dad

Ilanz/Glion, vegn tgiraus dall'Uniun fortezia Trin. Ell'ei in'uniun che porscha access alla publicitad ad anteriurs stabiliments dall'armada. Reactivar la fabrica d'oxigen a Glion füss eventualmein pusseivel, denton buca senza cumpletar igl indrez.

> PAGINA 5



Ina gronda part dils indrez dalla anteriura fabrica d'oxigen a Glion ein aunc avon maun.

FOTO SAUERSTOFF-FABRIK CH



30014



9 771424 749004

Servetsch d'abunents e da distribuziun: tel. 0844 226 226 mail: abo@somedia.ch

In indrez bunamein intact

La fabrica d'oxigen a Glion ha manteniu ina part dall'installaziun

DAD ANDREAS CADONAU/FMR

■ Actualme in ils apparats da respiraziun per dar sustegn a persunas che drovan tgira intensiva il tema dominont. Quels apparats valan denton nuot senza igl oxigen che pudess daventar scarts sut certas circumstanzas. In'antieriura fabrica d'oxigen dalla armada svizra sesanfla a Glion.

Smaccar il nuv e metter en funcziun igl indrez per producir oxigen ell'antieriura fabrica d'oxigen dall'armada svizra a Glion ei buca pusseivel. Quei gi il president dall'Uniuon fortezia Trin, Markus Diethelm. Si'uniun ha retschert dalla vischnaunca da Glion la lubientscha da presentar alla publicitad ils indrezs dall'antieriura fabrica d'oxigen dall'armada svizra a Glion. Silmeins aschilunsch che la vischnaunca ha buc anflau in niev diever pil baghetg. Diethelm ha fatg attent che la vischnaunca hagi gia schau allontantar ils indrezs d'emplenir las butteglas d'itschal cun oxigen, per far plaz a favur



La suletta anteriura fabrica d'oxigen dalla armada svizra parzialme in tacta sesanfla a Glion. Momentan sco part dalla purschida museala dall'Uniuon fortezia Trin.

FOTO SAUERSTOFF-FABRIK.CH



dalla giuventetgna dalla vischnaunca. Per nunpusseivel valetescha Diethelm denton buca l'opziun da reactivar la produziun d'oxigen a Glion. Installar in niev indrez d'emplenir las butteglas fuss probabel pusseivel inclus entgins ulteriurs detagls vid igl equipament digl indrez tecnic. Per exempel il sferdentader dil motor da diesel. Il motor che selai

denton metter en funcziun per plascher dils visitaders dirigi da representants dall'Uniuon fortezia Trin tras la fabrica d'oxigen. Tenor Diethelm ei la produziun d'oxigen in'ordvart cumplacada caussa. Minims sbagls da produciun possien sfalsificar il product final, schuber oxigen predestinaus antruras per il spitals militars ni duvraus ell'aviatica militara. La fabrica d'oxigen da Glion ei stada en funcziun entochen igl onn 2005 e Diethelm ha getg che plirs anteriurs

collaboraturs dalla fabrica, sco per exempel in mecanist ed in menader da survetsch, vivien ella regiun. Senza quella savida dils specialists seigi in tal indrez da producir oxigen ella fabrica da Glion buca da realisar.

Baghegiu el spert dall'indendenza

Schau construir la fabrica d'oxigen a Glion ha l'armada Svizra igl onn 1968. Suentar in temps da prova ei igl indrez ius

en funcziun in onn pli tard. Markus Diethelm ha explicau che la fabrica d'oxigen a Glion eri ina da pliras en Svizra. In relict dil temps dall'uiara freida e dil spert da defensiun d'antruras. Independenta vuleva l'armada svizra esser da furniturs d'ordvart e producir senza en cass d'urgenza. La midada strategica en connex cun novs scenaris da prighel inclus la pressiuon da spargnar han intimau l'armada da renunziar denter auter allas fabricas d'oxigen che han dil reminent era produciu nitrogen. Aschia ha l'armada svizra terminau igl onn 2005 la produziun d'oxigen a Glion ed il marcau ha surpriu il stabiliment inclus ils indrezs. Fertion che las ulteriuras fabricas d'oxigen dall'armada ein vegnidas rumidas - sco quei che l'armada svizra ha concediu dacuort enviars il Tages Anzeiger - ei la fabrica da Glion silmeins parzialme in tacta. Il plidader dall'armada svizra ha explicau viers il Tagi che la fabrica da Glion seigi buca pli habla da funcziunar. Sch'ei stuess propi esser manegia Diethelm ch'ei fussi pusseivel da reactivar la produziun. Il problem digl oxigen a favur dils spitals en Svizra schai denton buca ton ella produziun digl oxigen, mo-bein plitost el diember da butteglas d'itschal duvradas per comprimir oxigen. Quei ha il schef dall'interpresa da gas Messer SA da Lenzburg, Hans Michael Keller, explicau viers il "Sonntagsblick". Quei seigi il cass pervia dalla tendenza da mantunar reservas da butteglas tier spitals ed auters indrezs che fan diever dad apparaturas da respirar.

Els ein prompts, la stagiun meins

Ils mountainbikers Ursin Spescha e Vital Albin treneschan momentan empau ell'aria

DAD ANDREAS CADONAU/FMR

■ Ils emprens tests da cuorsa dalla nova stagiun dils dus giuven mountainbikers grischuns Vital Albin ed Ursin Spescha ein stai empermettents. Ussa ha ei num spitgar e trenar singul per ils dus commembers dalla squadra nazionala U23 e part dalla medema equipa professionala. Viers ils collegas digl exteriur valeteschan Albin e Spescha l'atgna situaziun per privilegiada. «Nus savein aunc trenar giuado sil velo».

Ils mountainbikers dad autras tiaras astgan per part buca bandunar lur dacasa e ston seconcentrar sin trenaments da forza ni silla rolla. La motivaziun da trenar ei tuttavia avon maun sco quei ch'els dus Sursilvans han tradiu. Quei malgrad ch'il program da cuorsa dalla nova sesiun ei cumplettamein incerts pervia dalla situaziun en connex cull'epidemia. Segir ei pil mument sulet che nuot ei segir pertuccont las proximas cuorsas da mountainbike. Per Albin ina situaziun detg speciala sco el ha tradiu. Spescha posseda en quei connex ina perspectiva detg realistica. El quenta buca cun biaras pusseivladads da semesirar cul velo da muntogna sin plaun internaziunal la proxima primavera e stad. Pli probabla para la participaziun al campinadi svizzer l'entschatta fenadur. La buna motivaziun da trenar attribueschan ils dus profis era al las circumstanziadas dall'aura idealas per esser sin tura cul velo da muntogna. La situaziun incerta lubescha denton negins trenaments specifics e concentra sin in ni l'auter event da cuorsa. Spescha patratg positiv, gest perquei ch'el sa far quei ch'el fa la fin finala il pli bugen, ir cun velo.

Fussen prompts per la sesiun

Omidus mountainbikers sursilvans possedan in contract cun l'equipa da cuorsa svizra Thömus e han getg dad esser



La generaziun giuvna dils mountainbikers cun perspectivadas empermettents, Ursin Spescha (sen.) e Vital Albin (dretg) a caschun dalla presentaziun d'equipa igl onn vargau a Mustér.

FOTO: A. CADONAU

bein preparai sin la nova stagiun. Albin ha explicau da haver giu ina fetg buna preparaziun enteifer la recruta da sport da prestaziun. El ei semesirau la primavera vargada en Spagna en ina cuorsa da pliras etappas cun dabia participaziun da curriders d'elita ed ei fetg cuntents cun sia atgna prestaziun. «Jeu fess prompts per las cuorsas». Ussa ha ei num trenar persuls cul velo da muntogna sin la cuorsa xy. Albin sa era mirar anavos sin ina buna stagiun 2019. Il punct culminont da quella stagiun ei bein staus il tierz rang al campinadi mundial U23. Cun in tal mussament da prestaziun sesarvan senz'auter bunas opziuns per cuntinuar cul sport da prestaziun sil velo da muntogna. Ton Albin sco Spescha frequentan

la davosa stagiun ella categoria da U23. In'impurtanta sesiun per seposiziunar ellas retschas dils profis da mountainbike. Spescha ei medemamein cuntents cun sia preparaziun actuala, sia prestaziun dalla primavera vargada en Grezia valetescha el per encuraschonta. Spescha mira cun optica differenta silla stagiun da cuorsa vargada. L'entschatta da quella stagiun ei, tenor sias explicaziuns, stada fetg cuntentivla. Problems da sanadad, principalme in cul dies han buca lubiu ad el da nezegiar siu entir potenzial ella secunda mesadad dalla sesiun. La situaziun actuala lubescha ad el da sefatschentar pli intensiv cun quels problems corporals e procurar per migliur. Spescha ha concediu ch'il contract cun Thömus seigi ter-

minus la fin 2020. El quenta denton da puder cuntinuar enteifer quell'equipa. In'equipa menada digl anteriur profis da mountainbike, Ralph Näf. In'equipa ch'omidus Sursilvans valeteschan per ordvart professionala cun purschida intacta per reussir el sport da prestaziun. A quella equipa appartegn medemamein Mathias Flückiger. Dapi onns davontier ella scena da bike, denter auter cun in secund rang als campinadis mundials da mountainbike igl onn vargau. Potenzial da semesirar enteifer l'atgna equipa ei pia avon maun per Vital Albin da Tersnaus ed Ursin Spescha da Sevegin. Fuss, momentan ha ei num da far rundas singulas ella cuntrada grischuna. Tgisà con gitg aunc?

PIOGNS

L'emprena Medelina che fa militer

(frm/gc) Sur Giuseppe Venzin rapporta che la giuvna Patricia Venzin da Fuorns seigi l'emprena Medelina sedecidida da libra veglia da far survetsch militar. Il november vargau eis ella vegnida brevetada ad Iriel (Airolo) sco sergenta - suentar ver frequentau la scola da recruit tier la sanitad duront 18 jamnas e quater jamnas scolaziun supplementara. Dapi il schaner d'uonn eis ella - suentar in jamna da preparaziun e scolaziun - vid gudignar giu il grad da sutofficiera en ina scola da recruit.

Patricia Venzin ei sedecidida per la varianza dil survetsch liung, tut enina, pia in suentar l'auter. Suentar la scola da gudignar giu resta ella per ulteriurs sis meins en survetsch cun autras truppas duront lur cuors da repetiziun ni scolaziun. Ils 8 da november d'uonn - suentar prest 500 dis - ei siu temps da survetsch a fin. Ella resta ussa per otg onns reservista dall'armada. Mintgacass eis ella, ch'ha fatg in emprendissadi sco vendidra da sport, fetg cuntenta dalla decision prida e satisfatga en tuts gradas.

Linus Beeli descriva extendidamein, co quei era da «Crescher si en ina gronda famiglia». Quei seigi stau duront tschantaners la sort da biars affons. Registradas enta Medel ein dapi 1770 treis famiglias cun 15 affons.

Clau Venzin, in dils 15 affons dalla famiglia da Sep Martin Venzin e Monica Ludovica, nata Lutz, maridai 1933, ei carschiu si ad Acla e relata. Ins intervegn bia dalla genealogia da quella famiglia, digl ambient, dil viver e co ins vegneva a frida cun tut en semplas relaziuns. Ei era da tener ensemen e segidar. Ins sa mo admirar, co ins era cuntents e sedustava da smarvegl. Alla fin menziunescha Linus Beeli era il frar dil protagonist Clau, che habitescha oz a Fuorns, sur Luis Venzin (1939 - 1986), ch'ha stuiu murir mo bia memia baul.

Da pli baul ad Acla

«Regurdientschas da dis ed onns vargai ad Acla» presenta e descriva sur Martin Bearth. El ha raschun: «Cu ins vegn els onns patratgan ins savens vid las 'ragischs', vid derivonza ed ils onns d'affonza e giuventetgna. Remarcabel ei ch'ins seregorda meglier da quei ch'ei daditg vargau che da quei ch'ei schabegiau dacuort».

Igl ei interessant dad intervegnir, co veta e lavur, usits ed isonzas sesplegavan a siu temps el vitg dad Acla. Ins viveva da cuminonza, sempel, cuntents, cun ferma cardientscha ed intensiva pratica religiusa, fagend e segidond ella truscha quotidiana, mintgin sin siu post da lavur. Cumparegliau cun oz ein sedadas midadas enormas el da viver, patertgar e luvrar insumma. Quella seria vegn cuntinuada.

Linus Beeli regorda al grond stemprau Vivian d'avon 30 onns, cu vents burasclus han caschunau donns desastur vid igl uaul. Oz secatti leu in giuven e beintgirau uaul. - Ciprian Giger relata dil teater «In termin tier sogn Pieder», che la Gruppa da teater Medel/Lucmagn ha dau uonn. Evelina Giger ha translatau ed adattau il toc da Bernd Kietzke e gest era fatg la reschia. - Aunc d'ulteriurs fatgs ed eveniments succedi ils davos meins vegn priu notizia.

Ils auguris van a Maria Pally-Beeli, Curaglia/Mustér, sils 95. - En in memento vegn seregurdau dils defuncts: Felix Venzin (1939-2019), Druval/Cumpadials; Zita Flepp (1929-2019), Curaglia e da Rosa Catrina Venzin (1930-2019), Druval/Mustér. - Bi ch'els «Piogns» fan mingamai menziun dils giubilars e seregordan dils defuncts da Medel.

«Piogns» ei la revista dalla vischnaunca da Medel/Lucmagn che cumpara dapi 20 onns quater gadas ad onn.